

古蹟

夏禹王城

在縣西北十五里鳴條岡周圍三十里西南遺趾尚存 省志古蹟內又載夏禹宮望川宮世室今俱無考

南安邑城

後魏神麌元年置在禹都舊城西四十里

青臺

在縣西十五里高百餘尺曉登遙望野色空濛最

解州全志

卷之十一

夏縣 古蹟

一

為勝景上有禹廟十三州志俗傳禹妃塗山氏女思禹築臺者非 省志作夏禹臺又有塗山臺註一名青臺疑本一臺而岐其名也

夏王朝殿

在青臺北一里辛庄村有遺址土人名金殿

酒池

在縣西北三十里下王村昔夏桀為酒池一鼓而牛飲者三千人即此地也

瑤臺

桀為瓊宮瑤臺山以是名詳見山川 省志有夏

臺註爲桀囚湯處今無考

巫咸故里

舊號巫咸里後更名商相坊今爲南商里

陽城故居

在縣南十五里中條山柳谷昌黎文集可考集覽
以爲張掖郡柳谷者謬

温公宅

在縣西司馬村今廢洪邁六合齋隨筆有喬木參
天獨樂園至今猶是温公宅之句蓋南渡猶存舊
傳司馬坊西北郭知府宅乃其故趾

解州全志

卷之十一

夏縣 古蹟

二

獨樂園

在縣西三十里坡底村按名臣錄温公居洛兄旦
居夏縣胥有園池勝概光歲一往省旦旦亦間至
洛視光又按司馬康寒食上塚至瀾洄莊有詩刻
石蓋司馬氏別墅也久廢

榜亭

在坡底村温公作相時飭其家人不得怙勢撓法
揭榜於此有司爲之立亭今廢

文會堂

在明倫堂後温公讀書處東爲養蒙齋西爲達德

齋今廢

秦樓

在城內通志謂秦時建按王翰詩蕭蕭棟宇自明
昌則是建於金章宗時者相傳后土廟卽其遺址
元太師脫脫宅

今廣爲縣署其子孫尚存

唐僕射薛嵩神道碑

在縣西四十里尚書禮部郎中程浩撰文按碑公
歷官尚書右僕射昭義節度使平陽郡王贈太保
大將軍仁貴孫太傅楚玉子也忠勇有謀有大功

解州全志

卷之十一

夏縣 古蹟

三

於唐

知足齋石刻

溫公手筆旁刻溫公并文潞公小像嵌祠堂壁間

布衾銘石刻

亦溫公手筆嵌城中祠堂壁間

柳氏訓言石刻

宋司馬侍郎書唐柳氏自公綽以來至僅比他人
耳一百二十六字石嵌溫公墓旁誠一堂壁間

忠清粹德碑

在司馬溫公墓前宋哲宗御篆忠清粹德之碑六

字學士蘇軾撰文紹聖初章惇蔡卞謀發公塚哲宗以許將言不從止令仆所立碑碑仆之頃大風走石郡吏莫敢近獨一匠氏奮斤前擊俄仆碑下死碑額以御篆獲存金皇統中忽生杏樹一株於碑座龜趺之側繆枝蟠屈周映交護邑令王廷直謁墓下驚嘆因得斷碑於深土分爲四石并其額趺共成六石摹刻嵌壁間至明御史朱實昌選石刻碑立舊趺上冠以御篆原額碑字則非蘇筆矣

禹廟題名石刻

八分大書其文曰旦光乙丑四年三月七日來謁

禹王祠凡十五字後小楷書先大中河內公太師溫國公頃歲同謁夏禹祠太師公因留題於殿之西壁元祐己巳鄉人李權刻諸石凡四十字石嵌青臺禹廟壁

瀾洄庄題名石刻

其文云舜民與希道約之自餘慶禪院遊石碓山寺回過萬石庄觀太師溫國公題誠元祐三年孟冬月中浣文江與行凡四十三字嵌青臺禹廟壁

元御製碑

文廟內兩階有二碑西碑刻加封孔子制詞東碑

刻封先聖父母並宋賢周程朱制詞各有碑亭

元禹廟詩石碣

翰林直學士歸暘撰至正庚子邑人李大有刻石
坊表附

承流坊

在縣署左今廢

宣化坊

在縣署右俱知縣李全建今廢

儒林坊

在學巷口知縣沈瑄建今廢

解州全志

卷之十一

夏縣 古蹟

五

清朝碩彥坊

昭代羣英坊

二坊在儒學門左右爲本縣科第姓名建今廢

夏后邦畿坊

知縣沈瑄建

顯佑伯坊

在城隍廟前

節宣化育坊

保障蒼黎坊

二坊在城隍廟左右

忠清粹德坊

爲温公立康熙四十七年知縣蔣起龍修

旌烈坊

爲節烈趙四女建今廢

貞烈坊

康熙二十六年爲烈婦盧氏建

寺觀附

法輪寺

在城內宋崇寧間建明洪武間修置僧會司

北戒寺

解州全志

卷之十一

夏縣 古蹟

六

在城內

龍泉寺二

一在縣北周村唐開元間修一在縣北胡張里宋

崇寧三年建

崇明寺

在縣西中晉村

雲巖寺

在縣西北郭村元至治二年建

眞如寺三

一在鷄樓山一在温谷庄一在東門外金天眷間

建

太平寺

在縣西北秦里村今廢

姑姑寺

在師村東

餘慶寺

在縣西鳴條岡宋治平二年建內有溫公祠卽溫

公守墳院也元豐八年賜額餘慶有碑存焉

福勝寺

在縣西北中晉村

解州全志

卷之十一

夏縣 古蹟

七

戒定寺

在縣西北如意村

大雲寺

在縣南付村

祥惠寺

在縣南陳郭村

香巖寺

在縣南辛庄村

正覺寺

在縣北尉郭村

蓮花寺

在縣西南墻下村

崇興寺

在縣西北馬村

普照寺四

一在縣東南中呂村一在縣西北中衛一在縣北

趙村一在縣西侯村

栢塔寺

在縣南吳村栢塔山古栢千株上聳無枝狀似虬

龍中有栢母爲數千年物林中建寺後有塔高十

解州全志

卷之十一

夏縣 古蹟

八

丈久毀猶仍其名

法雲寺

在縣北郭道村

聖壽寺五

一在縣西西秦今毀一在縣西上王村一在縣西

南裴介鎮一在縣西蘇村一在縣西其母村

觀音寺三

在通谷村者卽溫公讀書處一在縣北西陰一在

縣西馬喬

廣福寺

在縣西石碓村唐正觀五年僧信回建

下生寺

在縣西下晁

威神寺

在縣西寺后村韓忠所修一名韓忠寺中有石佛

高數丈一名石佛寺

景福寺

在縣北下馮村

安福寺

在縣西水頭

解州全志

卷之十一

夏縣 古蹟

九

洪濟寺

在縣西下留

普濟寺

在縣西師馮

大德寺

在縣東北師村

慶壽宮

在縣北蘇庄

壽聖宮

在城內守信坊元至元二年道士馮明建明洪武

間置道會司併天聖萬壽二宮九陽龍祥二觀
天聖宮

在縣東五里瑤臺山商相巫咸巫賢墳祠在山麓
宮在巫相祠右明萬歷丙戌災丁亥重修馬化龍
記知縣胡柟建塔山巔後地震塔頂頽知縣蔣起
龍補修

九陽觀

在縣西馬喬

萬壽宮

在縣北大羊

解州全志

卷之十一

夏縣 古蹟

十

玉宸觀

在縣北北大里

龍祥觀

在縣北馮村

玉陽觀

在縣西東張莊

長生觀

在縣西水頭鎮

天真觀

在縣西上王

修真觀

在縣西大里

朝元觀

在縣西池下王村爲夏陵建

長真觀

在縣北坊墻村

長春觀

在縣東元至治初建

林墓附

夏后氏陵

解州全志

卷之十一

夏縣 古蹟

十一

在縣北池下王村里夏一代陵寢胥在焉按一統

志惟禹陵在會稽山太康陵在開封府太康縣西

自啓以下不具書今存諸陵高邱纍纍卽啟以下

一代諸帝陵寢也金大定五年建朝元觀於其側

以司香火而有明祀典不載亦洪武初地爲王保

保所據也

商巫咸巫賢墓

在縣東五里瑤臺山下明知縣姜洪繚以周垣按

一統志蘇州府東門外三里有巫咸墓史記正義

巫咸及子賢塚皆在蘇州常熟縣西海隅山姜洪

曾有文辨其誤

唐僕射薛嵩墓

在縣西四十里碑載公忠勇有謀與祖大將軍仁貴考太傅楚玉並葬此按唐書嵩訥子

柳宗元墓

在縣北三十里柳村斷碑剝落不全按韓昌黎柳柳州墓誌云歸葬萬年先人墓側甚確而此有墓未詳

諫議大夫陽城墓

在縣南十里柳谷西吳村明嘉靖間猶有遺跡後

解州全志

卷之十一

夏縣 古蹟

十二

爲河水衝沒

宋司馬氏先塋

在縣西三十里鳴條岡十數塚尚存又有溫公遠祖大將軍司馬陽墓在公墓東南半里許石獸猶在

天章閣待制司馬池墓

在縣西三十里鳴條岡龐莊敏公籍撰神道碑云旦光泣護旅櫬歸於故鄉葬涑水南原之鼃村以從先塋

大中大夫司馬旦墓

在池墓側其先祖禰及昆弟姪凡十餘墓胥存墓側有祠

贈尚書比部郎中司馬諮墓

在涑水先塋

太常少卿司馬里墓

在涑水南原之先塋弟光誌銘

駕部員外郎司馬宣墓

在涑水南原之先塋弟光誌銘

贈尚書都官郎中司馬沂墓

在涑水南原王安石撰墓表

解州全志

卷之十一

夏縣 古蹟

十三

太師司馬光墓

在涑水南原鳴條岡池墓側哲宗御篆忠清粹德

碑額翰林學士蘇軾撰文後章惇謀發公塚未果

擊其碑仆之惟御額尚在金知縣王廷直別立四

碑模寫其文而又撰神道碑其祖父十餘塚胥存

靖康後曾孫禮部侍郎汲南遷僑居浙江之山陰

故里惟有司致祭其孫司馬富撰墳記司馬柱撰

忠清粹德碑樓記嘉靖三年御史朱實昌修復其

碑

諫議大夫司馬康墓

在温公墓側范祖禹撰墓誌銘

元臺亨墓

在縣西北

集賢學士歸暘墓

在縣西司馬温公墳餘慶禪院左二十餘步舊志
以爲僅能指點其處惜無碑記今其遺塚尚存邑
令李遵唐爲文並張謙墓序之立石墓前

張謙墓

近歸暘墓今歸墓左高阜似墓然不能確指矣
封隴西郡伯忽失歹墓

解州全志

卷之十一

夏縣 古蹟

十四

在縣南陽村北公官龍興路富州達魯花赤騎都
尉贈朝列大夫封伯

明劉權墓

在縣東五里許栢坡山下孫海同塋域

工部侍郎藺芳墓

在縣西四十里上王村

編修王翰墓

在縣西東許村南子礪孫正墓舊在瑤臺山北二
里許栢坡山下今遷葬翰墓之次

郭極墓

在縣東栢坡山下郭齡郭確郭瑯胥同塋域

孝子馬彬墓

在縣南五里許辛庄村西

叅政毛深墓

在縣東北大羊里蓮花峰下

趙烈女墓

在縣西李庄村西北二里許巡按御史洪聲遠築

墓垣解元司馬晰記

解元司馬晰墓

在遠祖陽墓下半里今遷溫公塋域東半里

解州全志

卷之十一

夏縣 古蹟

十五

國朝督學張潤民墓

在縣西南十五里魯因村蓮花堰前

四川布政司使閻堯熙墓

在縣東北三里許爨村

督學張考墓

在縣西北四十五里如意村

漏澤園

在縣西北一里湮沒無考 國朝康熙二年縣丞

楊士雄捐金買西門外地三畝有義塚碑

祥異

元成宗大德七年八月辛卯夜地震平陽太原尤甚村
堡移徙地裂成渠人民壓死不可勝記

明成化二十年歲大饑

嘉靖七年歲荒民大飢 三十四年地震蒲解夏爲
尤甚城摧隍湮土湧井沸官廨儒學及溫公書院鄉
賢祠俱圯毀惟 文廟正殿獨存壓死人民殆及千
數 三十五年黑青見

隆慶四年六月二十二日夜大雷雨山水漲發各河
堤潰水溢入城南流衝破鹽池禁墻數年鹽花不結

解州全志

卷之十一

夏縣 祥異

十六

萬歷十四年七月初一日東山大雨暴作白沙河
漲北堤崩決南關房屋墻垣飄沒大石覆壓宛如曠
野人民死者三百有奇是年歲旱大饑饉 十六年
春大疫死者枕籍 十八年大有秋穀多雙穗 十
九年五月至七月不雨七月二十九日至八月十日
大雨歲饑 三十二年六月初十日大雨雹禾黍棗
果木綿盡傷 三十四年旱麥不熟民大飢 三十
五年旱麥不熟民飢 四十六年四月雨大雹二麥
損傷 四十八年蝗蝻大作歲荒
崇正六年白沙河決南堤徙而南石壓民田永難開

墾 九年大旱歲荒 十三年連遭大旱蝗蝻食苗
歲大饑饉

國朝順治十年白沙河北堤決水入東門城隍廟官衙
俱被浸沒

康熙十八年八月十五日大雨至九月二十一日止
白沙河水衝入鹽池鹽花生夏邑城垣傾倒民居
損壞田禾淹沒民飢 二十八年夏麥不收免銀五
萬八千四百四十五兩有奇 二十九年夏麥不收
三十年二麥全無秋蝗蝻爲災大傷民禾免銀二
萬零五十三兩有奇又賑濟銀四千三百一十八兩

解州全志

卷之十一

夏縣 祥異

十七

有奇賑濟米一千三百四十石 三十一年二麥收
瘟疫大作死者枕籍賑濟仔種銀一千三百六十五
兩有奇 三十七年免銀五萬八千四百四十五兩
有奇 三十九年大雨白沙河水衝決北堤進城南
門外舖店漂沒各村被災 四十二年免銀二千四
百九十七兩有奇

雍正四年大有年 五年大有年春三月城東西北
三面忽聚蝦蟆積高半尺許緊圍城根禱八蜡神明
辰無一存者 六年大熟 七年大稔 八年大熟
九年大麥 十年蝗生天降甘霖隨皆消滅

乾隆八年旱免銀五百一十六兩一錢三分一釐八毫
十年秋大雨白沙河北堤決水入城東門門樓
盡圯城隍廟西牌房壞民居漂沒甚多 十七年旱
免銀二千零七十三兩有奇 二十四年旱免銀一
千二百一十九兩有奇隨免耗羨銀一百五十八兩
有奇